

四庫全書

經部

欽定四庫全書

經部
詩地理攷卷三
四

詳校官監察御史臣孫家賢

通政使司副使臣莫瞻菴覆勘

總校官進士臣楊懋珩

校對官中書臣朱炘

謄錄貢生臣蕭志鴻

欽定四庫全書

詩地理攷卷三

宋 王應麟 撰

雅

鄭氏譜曰小雅大雅者周室居西都豐鎬之時詩也始祖后稷由神氣而生有播種之功於民公劉至于大王季歷及平載越異代而別世載其功業為天下所歸文王受命武王遂定天下盛德之隆大雅之初起自文王至于文王有聲據盛隆而推原天命上述祖考之美

小雅自鹿鳴至于魚麗先其文所以治內後其武所以治外此二雅逆順之次要於極賢聖之情著天道之助如此而已矣又大雅生民及卷阿小雅南有嘉魚下及菁菁者莪周公成王之時詩也傳曰

孔氏曰未知文王此傳在何書

基之武王鑿之周公內之謂其道同終始相成比而合之故大雅十八篇小雅十六篇為正經其用於樂國君以小雅天子以大雅然而饗賓或上取燕或下就何者天子饗元侯歌肆夏合文王諸侯歌文王合鹿鳴諸侯

於鄰國之君與天子於諸侯同天子諸侯燕羣臣及聘
問之賓皆歌鹿鳴合鄉樂此其著略大校見在書籍禮樂
崩壞不可得詳大雅民勞小雅六月之後皆謂變雅美
惡各以其時亦顯善懲過正之次也問者曰常棣閔管
蔡之失道何故列於文王之詩曰閔之閔之者閔其失
兄弟相承順之道至於被誅若成王周公之詩則是
彰其罪非閔之故為隱推而上之因文王有親兄弟之
義又問曰小雅之臣何以獨無刺厲王曰有焉十月之

交雨無正小旻小宛之詩是也漢興之初師移其第耳
亂甚焉旣移又改其目義順上下刺幽王亦過矣朱
氏曰正小雅燕饗之樂也正大雅會朝之樂受釐陳戒
之辭也及其變也事未必同而各以其聲附之

周道郁夷

地理志右扶風郁夷縣注詩周道郁夷顏氏曰四牡詩
周道倭遲韓詩作郁夷言使臣乘馬於此道

管蔡

郡國志河南中牟有管城管叔邑河內山陽有蔡城蔡

叔邑山陽故城在懷州修武縣西北括地志鄭州管

城縣今州外城即管國城叔鮮所封豫州

今蔡州

上蔡縣

在州北七十里古蔡國外城叔度所都城也有蔡岡在

縣東十里因名宋忠云胡徙居新蔡輿地志平侯

徙新蔡

昆夷

混夷

串夷

周穆王伐畎戎

孫毓曰按書傳文王七年五伐有伐密須犬夷黎邠崇

漢匈奴傳周西伯昌伐吠夷注吠夷即吠戎也又曰

昆夷或作混又作緄

並音工本反

亦曰犬戎

山海經云黃帝生苗龍苗龍生

融吾融吾生弄明弄明生白犬白犬有牝牡是為犬戎說文赤戎本犬種故字從犬

隴以西

有吠戎 史記自隴以西有緄戎 緄混夷駢矣

音昆

說文引詩犬夷𠂔矣皇矣串夷載路

鄭氏曰即混夷西戎國名

孟

子文王事昆夷

書大傳注引詩吠夷喙矣

獫狁

史記匈奴傳唐虞以上有山戎獫狁葷粥居于北蠻

類氏

曰皆匈奴別號
晉灼曰堯時
曰葷粥周曰獫狁秦曰匈奴

孟子大王事獯鬻

曹氏曰西北二邊相犄角為寇故征獯鬻則西戎作伐
西戎則獯鬻平 漢匈奴傳武王伐紂而營雒邑復居
于酆鎬放逐戎夷涇洛之北以時入貢名曰荒服懿王
時戎狄交侵暴虐中國詩人始作疾而歌之曰靡室靡
家獫狁之故

往城于方 朔方

毛氏曰方朔方近獯鬻之國也 朱氏曰今靈夏等州

之地 曹氏曰即六月所謂侵鎬及方郡縣志夏州朔方縣什賁故城在縣治北即漢朔方縣之故城也詩所謂王命南仲城彼朔方是也漢武帝元朔二年收河南地置朔方五原郡使蘇建築朔方什賁之號蓋蕃語也程氏曰城朔方而獫狁之難除禦戎狄之道守備為本不以攻戰為先也 史記匈奴傳戎狄逐周襄王暴虐中國故詩人歌之曰出與彭彭城彼朔方 漢書宣王興師征伐詩人美大其功曰出車彭彭城彼朔方

西戎

朱氏曰昆夷也 後漢西羌傳武乙暴虐犬戎寇邊周

古公踰梁山而避于岐下及子季歷遂伐西落鬼戎太

丁之時季歷復伐燕京之戎戎人大敗周師後二年周

人克余無之戎於是太丁命季歷為牧師自是之後更

伐始呼翳徒之戎皆克之

竹書紀年

及文王為西伯西有昆

夷之患北有獫狁之難遂攘戎狄而戍之莫不賓服乃

率西戎征殷之叛國以事紂

南有嘉魚

毛氏曰江漢之間魚所產也 左太冲蜀都賦嘉魚出

於丙穴

陸氏曰丙穴在漢中沔陽縣北穴口向丙故曰丙類要丙水出丙穴在興州順政縣今沔州

文選注丙地名有魚穴二所常以三月取之丙者向陽穴也興地記穴口廣五六尺泉源垂注有嘉魚

常以三月自穴下透入水大景山在興州南七十里與小景山相連本作丙以避諱改相傳北有丙穴產嘉魚

四海

爾雅九夷八狄七戎六蠻謂之四海疏曰夷類有九畎

夷干夷方夷黃夷白夷赤夷玄夷風夷陽夷又玄菟樂
浪高驪滿飾鳧更索家東屠倭人天鄙蠻類有八天竺
咳首僬僥跂踵穿胃儋耳狗軹旁脊戎類有六僬夷戎
夫老白耆羌鼻息天剛狄類有五月支穢貊匈奴單于
白屋

焦穫

毛氏曰周地接于獫狁者爾雅十藪周有焦穫

孫炎云周

岐周也

郭璞注今扶風池陽縣瓠中是也

寰宇記焦穫藪在京兆府涇陽

縣北外十數里亦名瓠口溝洫志韓水工鄭國說秦令鑿涇水自中山西抵瓠口為渠班彪北征賦夕宿

瓠口之玄宮注以為焦穫

朱氏曰焦未詳所在穫郭璞以為瓠中

今在耀州三原縣

孔氏曰澤藪在瓠中而藪外接于獫狁

鎬方

鄭氏曰鎬也方也皆北方地名 孔氏曰漢劉向疏云

吉甫之歸周厚賜之其詩曰來歸自鎬千里之鎬猶以

為遠鎬去京師千里顏師古注鎬非豐鎬之鎬

王肅以為鎬京

王基駁之

朱氏曰劉向以為千里之鎬則非鎬京之鎬矣

未詳所在方疑即朔方也

涇陽

鄭氏曰涇水之北

孔氏曰水北曰陽

通典今涇原州地竝涇

水之陽

郡縣志原州平涼縣本漢涇陽縣地今縣西

四十里涇陽故城是也涇水源出百泉縣西南涇谷

地理

志筭頭山淮南一名薄落山故涇水亦曰薄落水平涼縣今屬渭州

孔氏曰涇去京

師為近

太原

禹貢既修太原顏師古曰即今晉陽 黃氏曰晉太原

大鹵大夏夏虛晉陽凡六名 朱氏曰太原亦曰大鹵

今在太原府

穀梁傳中國曰大原夷狄曰大鹵

左傳注大鹵太原晉

陽縣

漢太原郡治晉陽

後漢西羌傳穆王遷戎于太原夷王

命虢公率六師伐太原之戎至于俞泉宣王遣兵伐大

原戎不克 周語宣王料民於大原 孔氏曰杜預云

西河介休縣南有地名千畝則王師與姜戎在晉地而

戰也 毛氏曰至于太原言逐出之而已 史記戎狄

逐周襄王暴虐中國故詩人歌之曰薄伐獫狁至于大

原 九域志古京陵在汾州周宣王北伐獫狁時立

郡縣志在平遙縣東七里漢京陵縣又曰太原臺駘之

所居 帝王世紀帝堯徙晉陽即今大原也 地理志

趙西有太原秦莊襄四年初置大原郡

漢二十
一縣

唐開

元十一年改并州為大原府高齊移晉陽縣於汾水東

隋開皇十年於州城中古晉陽置太原縣在州東二里

百六十步太平興國四年省入榆次 薛氏禹貢解曰

太原在榆次縣 左傳晉居深山戎狄之與鄰而遠于

王室王靈不及拜戎不暇

中行穆子敗狄于太原注晉陽縣

中鄉

鄭氏曰美地名

蠻荆

毛氏曰荊州之蠻也 鄭語史伯曰當成周者南有荆

蠻

注芊姓之蠻需熊之後也

叔熊逃難於濮而蠻

濮蠻邑

蠻芊蠻矣

謂叔

熊

晉語叔向曰昔成王盟諸侯於岐陽楚為荆蠻

注荆

蠻州之

置茅蕝設望表與鮮牟

東夷國

守燎故不與盟 吳

語有蠻荆之虞

後漢南蠻傳槃瓠後滋蔓今長沙武

陵蠻是也周世黨衆彌盛宣王中興乃命方叔南伐蠻

方詩人謂蠻荆來威

楚世家熊霜元年周宣王初立

曹氏曰宣王北

伐之事大矣然止見於六月之詩其所任者吉甫一人

而已至於南征在小雅見於采芑者則命方叔在大雅

見於江漢者則命召虎見於常武者則命大師皇父而

各言其成功則荆蠻淮夷之作難非一時其所任非一

人

東都

朱氏曰東都洛邑也周公相成王營洛邑為東都以朝諸侯周衰久廢其禮至宣王復會諸侯左傳成王合諸侯城成周以為東都通鑑外紀成王使召公先相宅周公至洛師復卜申視營築謂之王城是為東都制郊畿方六百里因西土為方千里分為四縣縣有四郡郡有鄙曰此天下之中四方入貢道均

書傳云五年營成洛邑

晁氏曰昔夏后初都陽城南踰洛陽百里而遠成湯遷
亳殷東踰洛陽五十里而近皆會洛陽而不都周興武
王既定鼎郊廓厥後召公相宅洛邑周公營成周其意
盛矣而成王卒不果遷逮夫宣王中興自濟之洛狩于
圃田及于敖山因以朝諸侯車攻之詩作焉豈不欲成
周召之志歟且宣王嘗狩于岐而石鼓之詩亦偉矣夫
子乃舍而弗錄得非岐之狩為常而東都之狩非常乎
惜夫宣王卒亦不果遷也至平王是遷而周衰矣王

氏曰成王欲宅洛者以天事言則日東景朝多陽日西
景夕多陰日南景短多暑日北景長多寒洛天地之中
風雨之所會陰陽之所和也以人事言則四方朝聘貢
賦道里均焉非特如此而已懲三監之難處殷頑民遷
以自近洛距姝邦為近則易使之遷作王都焉則易以
鎮服也雖然鎬京宗廟社稷官府宮室具在不可遷也
故於洛時會諸侯而已何以知其如此以詩考之宣王
時會諸侯於東都而車攻謂之復古 駕言徂東毛氏曰

東洛邑也

文武竟土

曹氏曰岐周之地迫近西北二邊鎬方焦穫之地嘗為其所據

甫草

韓詩作圃草 鄭氏曰甫田之草也 鄭有甫田

音補謂圃

田鄭
藪也

呂氏春秋九藪梁之圃田 爾雅十藪鄭有圃

田 穆天子傳天子里甫田之路東至于房

左傳鄭
有原圃

郡國志河南中牟縣有圃田澤 郡縣志圃田澤一名

原圃在鄭州中牟

今屬開封府

西北七里其澤東西五十里

南北二十六里

水經注東西四十餘里

西限長城東極官渡上承

管城縣界

水經注北佩渠水

曹家陂又溢而北流為二十四陂

在管城縣東三里

水經注云渠水自河與濟亂流東逕滎澤北

東南分濟厯中牟縣之圃田澤北與陽武分水澤多麻

黃草述征記曰踐縣境便覩斯卉窮則知踰界詩所謂

東有圃草也 皇武子曰鄭之有原圃猶秦之有具圃

澤在中牟縣西 竹書紀年梁惠成王十年入河水于
甫田又為大溝而引甫水 朱氏曰甫草甫田也後為
鄭地宣王之時未有鄭國圃田屬東都畿內故往西也
陳氏曰九州川浸澤數名在職方不屬諸侯之版而
詩不以圃田繫鄭春秋不以沙麓繫晉略可覩矣周季
諸侯始擅不盼之利齊幹山海而桃林之塞邠瑕之地
晉實私之甚者至周歲貢百二十金於魏以易溫圃
韓詩東有圃草 補傳曰甫田易野也易野以車為主

故用以選車田車既好是也

教

郡縣志教山在鄭州滎澤縣西十五里春秋時晉師在教

鄆之間

二山名在滎陽縣西北

宋武北征記曰秦時築倉於山

上漢高祖亦因教倉傍山築甬道下汴水踐土臺故王

宮在縣西北十五里臨汴水南帶三皇山秦所置仲丁

遷于囂此也詩薄狩于教皆此地括地志滎陽故城

在鄭州滎澤縣西南十七里殷時教地周時名北制在

敖山之陽 水經濟水東逕敖山北注云詩薄狩于敖
山上有城殷仲丁所遷秦置倉於其中亦曰敖倉城
鄭氏曰敖鄭地今近滎陽 呂氏曰晉師救鄭在敖鄩
之間設七覆于敖前則敖山之下平曠可以屯兵翳薈
可以設伏東有甫草即此地 郡國志河南滎陽有敖
亭周宣王狩于敖 補傳曰敖險野也險野以人為主
故用以選徒

漆沮

禹貢雍州漆沮既從蔡氏曰漆水寰宇記自耀州同官縣東北界來經華原縣合沮水沮水地志出北地郡直路縣東今坊州宜君縣西北境也寰宇記沮水自坊州昇平縣北子午嶺出俗號子午水下合榆谷慈馬等川遂為沮水至耀州華原縣合漆水至同州朝邑縣東南入渭二水相敵故竝言之既從者從於渭也朱氏曰漆沮在西都畿內涇渭之北所謂洛水今流入鄜坊至同州入河段氏曰書所謂漆沮在澧水之東為渭之

下流吉日漆沮乃會於東都繼田獵之後則宜為下流之漆沮蓋遠厯鄜坊北之東都為地近李氏曰禹貢

東過漆沮即此漆沮是也孔氏傳在涇水之東一名

洛水與自土沮漆者別也此職方氏所謂雍州其浸渭

洛非河南之洛也

水經注洛水關駟以為漆沮之水史記正義括地志云洛水源出慶州

洛源縣此非古公所度漆沮也

南山

幽幽南山劉氏曰鎬京之陽終南之山

嚴氏曰周都豐鎬面對終南故

天保祝君斯十考室節
南山刺師尹皆指此山

沔水

晉語公子賦河水注河當作沔字相似誤也

嚴氏曰杜詩云衆流

歸海意萬國奉君
心與此詩意同

褒

輿地廣記興元府褒城縣故褒國漢置褒中縣 括地

志褒國故城在縣東二百步

國都城記褒國姁姓夏同
姓所封水經注石門在

漢中之西褒中之北褒水入東南歷褒口即褒谷之南
口也北口曰斜褒水又南逕褒縣故城東褒中縣也本

褒國又南流入于漢南鄭縣故褒之附庸周顯王之世
蜀有褒漢之地至六國楚人魚之懷王褒弱秦略取焉
晉語周幽王伐有褒鄭語褒人褒姒魯
詩閼婁扇方處班婕妤賦哀褒閼之為郵

百川沸騰

周語幽王三年西周三川皆震注西周鎬京也邠岐之

所近三川涇渭洛

洛即漆沮

震動也地震故三川亦動伯

陽父曰昔伊洛竭而夏亡河竭而商亡今周德若二代
之季矣是歲也三川竭岐山崩

向

孔氏曰左傳桓王與鄭十二邑向在其中杜預云河內

軹縣西有地名向上則向在東都之畿內也

軹縣唐省入孟州濟

源

水經注云向城北向岡左傳襄十一年諸侯伐鄭

師于向 朱氏曰都大邑周禮畿內大都方百里小都

方五十里皆天子公卿所封也向在東都畿內今孟州

河陽縣是也 九域志同州有向城詩作都于向謂此

蘇公

鄭氏曰蘇畿內國 孔氏曰左傳昔周克商使諸侯撫

封蘇忿生以溫為司寇則蘇國在溫

杜預曰今河內溫縣是東都畿內也

春秋時蘇稱子此云公者蓋子爵而為三公書司寇蘇

公

鄭語己姓昆吾之後傳十年溫子奔衛傳云蘇子注國於溫故曰溫子世本蘇成公作麓

寰宇

記故溫城在孟州溫縣西三十里

地理志河內郡溫縣故國己姓蘇忿生所

封

暴公

鄭氏曰暴畿內國 春秋文八年公子遂會雒戎盟于

暴杜氏注鄭地

朱氏曰戰國及漢時有人姓暴世本暴辛公作塤 譙周古史考云古有塤

尚矣風俗通暴
辛公周諸侯也

有北

毛氏曰北方寒涼不毛之地 莊子窮髮之北

楊園 畝丘

毛氏曰楊園園名

朱氏曰下地也

畝丘丘名

爾雅釋丘云如畝李巡曰謂丘有壟

界如田畝朱氏曰高地

孔氏曰於時王都之側蓋有此園丘詩

人見之為詳

東國 譚

見前

孔氏曰譚國在京師之東 陳氏曰晉之乘楚之檇杙

魯之春秋皆東遷之史也古者諸侯無私史有邦國之

志則小史掌之而藏周室魯人所謂周人御書晉人所

謂辛有之二子董之晉於是有董史者也是故費誓繫

於周書漢汝江沱至於譚大夫下國之詩皆編入於南

雅 朱氏曰小東大東東方小大之國也自周視之則

諸侯之國皆在東方

文中子龔氏注周之侯國各得獻詩於王若大東漸漸之石之類是

也

沅泉

毛氏曰側出曰沅泉

音軌 釋名流
狹而長如車軌

江漢南國之紀

鄭氏曰江漢南國之大水 曹氏曰江漢受百川之水

而注之海使無泛濫之患所以紀理南國此詩指江漢

而言盡瘁以漸漸之石之詩考之幽王時荆舒嘗叛命

將徂征則從征役之事者多矣

禹貢江漢朝宗于海黃
氏曰江漢至荊州合流

去海猶遠而已有朝宗之勢俗彊於此示訓 孔氏曰
幽王之時楚已強矣 鄭語史伯謂桓公曰南有荆蠻

不可
以入

光野

毛氏曰遠荒之地 蘇氏曰光地名

淮水 三洲

禹貢導淮自桐栢東會于泗沂東入于海 朱氏曰淮

水出信陽軍桐栢山至楚州漣水軍入海 地理志南

陽郡平氏縣

今唐州桐栢縣

桐栢大復山在東南

水經胎簪山

淮水

所出東南至淮陵

今招信縣

入海

孔氏曰鄭於中候握河

紀注云昭王之時鼓鐘之詩所為作者依三家為說也

水中可居曰洲

朱氏曰三洲淮上也

蘇氏曰始言湯湯水盛也

中言潛潛水流也終言三洲水落而洲見也言幽王之
久於淮上也 呂氏曰三洲作詩者賦其所見也

信南山

董氏曰南山終南山也雍州之山終南則禹固治之矣

括地志終南山一名南山
劉氏曰終南在鎬京之南

瞻彼洛矣

毛氏曰洛宗周浸漑水也職方氏雍州其浸渭洛易

氏曰按漢志左馮翊懷德縣即彊梁原之洛水

說文洛水出左

馮翊歸德北夷中東南入渭懷德即京兆之富平縣今屬耀州即馮翊之地

北條荆山在縣

西正洛水之源也孔安國注禹貢漆沮亦曰洛水出馮

翊北又一洛水出慶州洛源縣有白於山在縣北三十

里洛水所出因以名縣東流至鄜州洛交縣又東南流

至京兆府雲陽東又經同州澄城西北去富平之懷德

亦近

非禹貢導洛自熊耳之洛淮南陸形訓洛出獵山在北地西北夷中洛東南流入渭詩云瞻彼洛矣

是也括地志洛水一名漆沮水源出慶州洛源縣
白於山東南流鄜丹同三州至華陰北南流入渭

王氏曰洛東都之所在也呂氏曰毛傳以洛為宗周之

西山然其流尚微此詩
所謂洛蓋指東都也
朱氏曰洛水在東都會諸侯

之處言天子至洛水之上
御戎服而起六師
蔡氏曰洛水地志云出弘

農郡上洛縣冢領山水經謂之謹舉山今商州洛南縣至鞏縣

入河今河南鞏縣左傳雒汭在鞏縣南水經注山
海經洛水成臬西入河謂之洛汭張儀曰什谷

之口史記音義
鞏縣有鄠谷水

鎬京

今京兆長安縣昆明池北鎬陂 郡縣志周武王宮即

鎬京也在京兆府長安縣西北十八里自漢武帝穿昆

明池於此鎬京遺趾淪陷焉 括地志瀉水源出長安

縣西北瀉池水經注云瀉水承瀉池北流入渭 益康曰

南有鎬池 古史考武王遷鎬長安豐亭鎬池 水經

也 荀子武王以鄠與鎬同 秦紀鎬池君 渭水東北與鄠水合 注水上承鎬池於昆明池北武王

究 赫赫宗周毛氏曰鎬京也 周宗既滅鄭氏曰周宗鎬京也

檻泉

爾雅檻泉正出

涌出也

說文作濫

蠻髦

毛氏曰蠻南蠻也髦夷髦也

鄭氏曰髦西夷別名武

王伐紂其等有八國從焉

牧誓及庸蜀羌髳微盧彭

濮人

髳音義同孔氏曰髳在巴蜀

括地志姚府以南古髳國之地

有髳州

唐地理志諸蠻州有髳州

謝名伯

郡國志南陽郡宛縣本申伯國棘陽縣東北百里有謝

城

朱氏曰謝邑名申伯所封國也今在鄧州信陽軍

鄭語桓公曰謝西之九

州何如史伯曰惟謝邾之間是易取也注謝申伯之

國今在南陽謝西有九州一千五百家曰州邾南謝北

虢鄆在焉輿地廣記棘陽故謝國漢為棘陽縣屬南

陽其後省故城在今唐州湖陽縣西北水經注泚水

又西南流謝水注之水出謝城北建武十三年封樊重

少子丹為謝陽侯即其國也崧高于邑于謝南國是

式毛氏曰謝周之南國也

召伯周語注召公召康公之後穆公虎也

漉池 北流

鄭氏曰豐鎬之間水北流

毛氏曰漉流貌

水經注鄠水又北

流西北注與漉池合水出鄠池西而北流入于鄠世傳以為水名 寰宇記渭水西自京兆鄠縣流入長安漢建元三年造便橋跨渭斯漉池之別名西北合渭水

說文作漉沱

九域志京兆府水池按十道志名彪池亦名聖女泉

荆舒

鄭氏曰荆謂楚也舒舒鳩舒鄧舒庸之屬 春秋莊十

年書荆僖元年始書楚

孔氏曰殷武荆楚并言之楚之稱荆久矣公羊傳荆者州名

也

殺梁傳謂之荆狄之也

聖人立必後至天子弱必先叛故曰荆狄之也地理志成王封熊繹於荆蠻為

楚子居丹陽

左傳熊繹辟在荆山

括地志歸州巴東縣東南四里歸故城熊繹之始國也與地志秭歸

縣東有丹陽城

春秋有舒

舒在今廬州舒城縣舒鳩今無為舒蓼在安

舒庸

東夷

謂之羣舒皆偃姓

皋陶後世本舒鮑偃姓

舒鳩

舒鳩舒蓼

舒蓼舒蓼

地理志廬江郡舒縣故舒國龍舒縣羣舒之邑

龍舒故城

在無為軍廬江縣西唐世系表舒又曰羣舒舒蓼舒庸舒鳩一國而有五名朱氏曰荆楚本號舒近楚

西戎

見前

東夷

詩地理攷

左傳椒舉曰周幽為大室之盟戎狄叛之 後漢西羌

傳幽王命伯士伐六濟之戎軍敗

見竹書紀年

戎圍犬丘

書序成王既伐東夷孔氏注海東諸夷駒麗扶餘駟貊

孔氏疏漢有高駒麗扶餘駟貊即韓也北方曰貉又云東北

夷也

詩地理攷卷三

欽定四庫全書

詩地理攷卷四

宋 王應麟 撰

受命作周

朱氏曰受命受天命也作周造周室也稱王改元之說
歐陽公蘇氏游氏辨之已詳武成惟九年大統未集若
以文王在位五十年推之不知九年何處數起

尚書大傳曰文

王受命一年斷虞芮之質二年伐邠三年伐密須四年伐
犬夷五年伐耆六年伐崇七年而崩 孔安國見武成
篇故泰誓傳曰周自虞芮質厥成諸侯並附以爲受命
之年至九年文王卒 葉氏曰詩言周雖舊邦其命維

新以虞尚質厥成為文王受命之年儒者之傳固有自矣是以武王稱誕膺天命九年

摯

毛氏曰摯國名任姓周語摯疇之國由大任

注摯疇二國奚

仲仲虺之後大任之家

唐世系表祖已七世孫曰成徙國於摯

仲虺居薛臣虺祖已皆其曹裔傳氏曰自彼殷商來嫁于周則摯是殷商畿內國

京

朱氏曰裸將于京周之京師也曰嬪于京依其在京周

京也王配于京鎬京也

乃觀于京高丘也

殷商

史記正義自湯已下號商自盤庚改號曰殷括地志相

州安陽縣本盤庚所都即北冢殷墟南去朝歌城百四

十六里竹書紀年盤庚自奄遷北冢曰殷墟南去鄴四

十里舊鄴城西南三十里有洹水在相州北四里南岸三里

北冢也鄭氏曰契有功封商湯始居

亳之殷地荀子契玄王生昭明居於砥石或曰即遷

于商十四世書盤庚遷于殷孔氏曰亳孔氏曰成

有成湯

湯之初以商爲號及盤庚後爲殷取前後二號而言之

曹氏曰盤庚復治亳之殷地湯之故居故兼稱殷商

朱氏曰商言其

國殷言其地

洽陽

毛氏曰洽水也穀梁傳水北曰陽地理志左馮翊郿

陽縣在郿水之陽說文引詩在郿音合之陽朱氏曰

洽水名本在今同州郿陽夏陽縣今流已絕故去水而

加邑渭水亦逕此入河括地志郿陽故城在同州河西縣南三里水經注

曰郃陽城南有漢水東流注于河水南猶有文母廟前

有碑去城十五里水即郃水也縣取名焉

郃縣志水在舊河西縣南

五里今郃陽界內

渭渙

毛氏曰渭水厓 王氏曰洽之陽渭之渙華國所在

朱氏曰渭水至同州馮翊縣入河 孔氏曰造舟比船

於水加版於上即今之浮橋杜預曰造舟為梁則河橋

之謂也

爾雅天子造舟 鄭氏曰周制也殷時未有等制 程氏曰親迎于渭文王未為君周國在渭

旁不是
出疆

莘

毛氏曰莘大姒國

水經注邵陽城故有莘邑大姒之

國

輿地廣記同州
邵陽縣古莘國

括地志古莘女國城在同州河西

縣南二十里

世本莘姒姓禹後
唐世系表啓封支子于莘

牧野

牧說文作𠂔

孔氏曰紂
南郊地名

通典衛州汲縣牧野之地

九域

志汲城本牧野
之地漢為縣

郡國志朝歌縣南有牧野

牧誓注紂
近郊三十

里地名牧
野乃築此城

括地志今衛州城即牧野之地武王至牧
孔氏曰商郊牧野是郊上之地戰在乎

野故曰野詩
于牧之野

皇甫謐曰在朝歌南七十里

水經注自
朝歌以南

暨清水土地平衍據阜跨澤悉姆野之地故詩稱姆野
洋洋竹書紀年曰武王率西夷諸侯伐殷敗之于牧野

括地志朝歌在衛州東北周書
克殷曰周車三百五十乘陳于牧野

自土沮漆

地理志右扶風杜陽縣

今鳳翔府
普潤縣

杜水南入渭詩曰自

杜顏氏注詩自土沮漆齊詩作自杜言公劉避狄而來

居杜與沮漆之地

鄭氏曰公劉遷于豳居沮漆之地

段氏曰沮漆有二皆出雍州皆東入于渭特有上流

下流之別詩漆沮入於渭之上流

自土漆沮言於岐周之間

書漆沮入於

渭之下流

言於東會於澧又東會於涇之下

十三州志云漆水出漆縣

西北至岐山東入渭後漢注漆縣故城在郿州新平縣

沮水不知所在此詩自土沮漆者也

十三州志萬年縣南有涇渭北有小

河即沮水也

晁氏曰地理志漆水在扶風漆縣西北函之

漆也

水經漆水出扶風杜陽縣俞山東北入於渭括志沮水出雍州富平縣東入櫟陽南漆水出岐

州普潤縣東南岐漆山嚴氏曰沮漆名稱相亂水經云沮水出北地郡直路縣東過馮翊役胡縣北東入于

洛此沮水之源流也漢志扶風有漆縣漆水在縣西東入渭又闕駟十三州記云漆水出漆縣西北至岐山東入渭此漆水之源流也沮出北地入洛漆出扶風入渭沮自沮漆自漆也至孔氏引水經云沮水俗謂之漆水謂之漆沮此則名稱相亂矣諸家書解以出扶風之漆水與出北地之漆水為二謂扶風之漆水至岐山入渭在澧之上流而書言渭水會澧會涇之後乃過漆沮則漆沮在澧水涇水之下流故以書之漆沮為出北地之漆沮與詩扶風之漆別也但水經出北地者止是沮水而謂之漆沮耳如上所言則詩之漆沮自是二水書之漆沮止是一水即詩之沮也然水經之沮入洛書之漆沮則入渭沮水若為漆沮一名洛水則漆沮即洛也而又云入洛何也姑闕之以俟知者此詩沮漆指豳國是漆沮之上流也下文言周原傳以為漆沮之間指岐周是漆沮之下流也吉日及潛頌言漆沮指鎬京常亦去岐周不遠也疏云漆沮二水在豳地但二水東流亦過

周其說是也史記正義二水源在雍州西其名洛水者在雍州東山海經瑜次之山漆水出焉北流注于渭說文漆水出右扶風杜陵岐山東入渭水經注今有水出杜陽縣岐山北漆溪謂之漆渠西南流注岐水

率西水澍

鄭氏曰循西水厓沮漆水側也周紀古公去豳渡漆

沮

徐廣曰水在杜陽岐山
顏氏曰漆水在新平

岐下

孟子大王去邠踰梁山邑于岐山之下居焉

括地志梁
山在雍州

好時縣西北十八里
鄭氏云岐山西南

郡縣志岐山亦名天柱山在鳳

翔府岐山縣東北十里 地理志右扶風美陽縣岐山

在西北中水鄉周大王所邑 水經注岐水歷周原下

北則中水鄉成周聚水北即岐山

皇甫謐云今美陽西北有岐城舊址孔

氏曰皇矣稱居岐之陽在渭之將是其處險阻也地理志大王徙郿闕宮實維大王居岐之陽實始翦商朱氏傳曰大王自豳徙居岐陽四方之民咸歸往之王迹始著蓋有翦商之漸矣

周原

郡國志右扶風美陽有岐山有周城

杜預云城在縣西北

周大王

所徙南有周原 郡縣志鳳翔府扶風縣本漢美陽地

通典美陽故城在京兆府武功縣北七里

皇甫謐云邑於周地始改國為

周史記正義岐山下有周原上置城

毛氏曰周原沮漆之間也 鄭

氏曰廣平曰原周之原地在岐山之南膺膺然肥美

韓詩

周原
腴腴

虞芮

毛氏曰虞芮之君爭田久而不平乃相謂曰西伯仁人也盍往質焉乃相與朝周入其境則耕者讓畔行者讓

路入其邑男女異路頒白不提挈入其朝士讓為大夫
大夫讓為卿二國之君感而相謂曰我等小人不可以
履君子之庭乃相讓以其所爭田為閒田而退天下閒
之而歸者四十餘國 郡縣志故虞城在陝州平陸縣

東北五十里虞山之上古虞國

地理志河東大陽縣吳山在西上有吳城

芮

城在陝州芮城縣西二十里古芮國

晉太康地記虞西百四十里有芮城

閒原在平陸縣西六十五里即虞芮爭田讓為閒田之

所

蘇氏曰芮在同之馮翊 郡國志左馮翊臨晉有芮鄉古芮國與虞相讓者

潁彼涇舟 鳧鷖在涇

涇水出原州百泉縣涇谷東南流至涇州臨涇保定二縣又東南流至邠州之宜祿新平永壽三縣又東北流至京兆之醴泉高陵雲陽三縣以入渭

旱麓

毛氏曰旱山名麓山足 地理志漢中郡南鄭縣旱山沱水所出東北入漢 說文林屬於山為麓 曹氏曰旱山在梁州之地與漢廣相近故取以興焉 周語旱

麓之榛楷殖故君子得以易樂干祿焉

九域志興元府有旱山 寰宇

記在南鄭縣西南二十里
周地圖記云山上有雲即雨

密

毛氏曰國有密須氏 呂氏春秋密須之民自縛其主

而與文王 地理志安定郡陰密縣詩密人國 括地

志陰密故城在涇州鶉觚縣西其東接縣城即古密國

周語共王遊涇上密康公從又曰密須由伯姑 左傳

密須之鼓與其大路文所以大蒐也杜氏注密須姑姓

國文王伐之得其鼓路 郡縣志涇州靈臺縣西陰密
故城即古密國 輿地廣記商時密國之地本鶉觚隋

取文王伐密而民始附之意以靈臺名縣
朱氏曰密密須氏也姑姓之國在今寧州

阮 共

張氏曰阮國名共阮國之地名皆在今涇州今有共池

即共也

氏族略阮商諸侯國在岐渭之間

鄭氏曰阮也徂也共也三

國犯周而文王伐之

孔氏曰魯詩亦以阮徂共皆為

國名孫毓云文王七年五伐未聞有阮徂共三國助紂

侵周文王伐之之事 孟子以遏徂莒

注以遏止往伐莒者

朱

氏曰徂旅密師之往共者也

鮮原 居岐之陽

蘇氏曰文王既克密須於是相其高原而徙都焉所謂程邑是歟 孔氏曰大王於遷已在岐山此亦在岐山之陽去舊都不遠周書稱文王在程作程寤程典皇甫謐云文王徙宅於程蓋謂此也 朱氏曰其地於漢為

扶風安陵今在京兆府咸陽縣

地理志安陵關驪以為本周之程邑

通

鑑外紀西伯自岐徙鮮原在岐山之陽不出百里 鄭

氏曰地在岐山之南居渭水之側後竟徙都于豐

曹氏曰大

王邑于岐山之下猶在岐北文王既勝密須於是度鮮原於岐山之南渭水之側定程邑而遷都焉魯頌大王

居岐之陽謂

孟子文王治岐

左傳成有岐陽之蒐郡縣志鳳翔府岐陽縣

岐北非也

蓋漢杜陽縣地貞觀七年置以在岐山之南因以名之輿地廣記此詩所謂居岐之陽也文王始亦治焉元

和三年省入扶風縣括地志安陵故城在咸陽東二十一里周之程邑書文王肇國於西土

崇

鄭氏曰崇侯虎倡紂為無道

通典崇國在京兆府鄠縣帝王世紀鯀封崇伯國

在豐鎬之間周有

崇國晉趙穿侵崇

史記伐崇而作豐邑伏湛曰以伐

崇庸崇國城守先後伐

氏族略其地在鄠縣東

皇極經世商

受十八年西伯伐崇自岐徙居豐

注既伐于崇作邑于豐是國之地也

靈臺

三輔黃圖在長安西北四十里高二十丈周四百二十

步 三輔故事在豐水東

水經注澧水北經靈臺西左傳秦獲晉侯舍諸靈臺杜

氏注在鄠縣周之故臺也又云鄠在鄠縣東有靈臺屬京兆府地理志文王作鄠注今長安西北界靈臺鄉

豐水上是朱氏曰言條而成如神靈之為司馬法曰偃伯靈臺伯謂師節也

靈囿

黃圖在長安縣西四十二里

孟子文王之囿方七十里

靈沼

黃圖在長安西三十里

鄭氏駁異義云於臺下為圓沼

辟雍

毛氏曰水旋丘如璧曰辟雍以節觀者 黃圖文王辟

雍在長安西北四十里 史記豐鎬有天子辟池索隱

云即周天子辟雍之地 張氏曰靈臺辟雍文王之學

也辟雍之在鎬京者武王之學也

莊子文王有辟雍之樂 鄭氏曰辟雍及

三靈皆同處在郊

書大傳樂曰舟張辟雍

戴氏曰言文王之樂不在臺沼靈園而在辟雍也

豐

朱氏曰豐在今京兆府鄠縣終南山北 地理志文王

作豐 括地志豐宮在鄠縣東三十五里 地理志京

兆鄠縣豐水出其東南 皇甫謐云豐在京兆府鄠縣東
豐水之西文王自程徙此 孔

氏曰從鮮原徙鄠豐在
岐山東南三百餘里 說文鄠周文王所都在京兆

杜陵西南 朱氏曰即崇國之地
今鄠縣杜陵西南 通典鄠今京兆府長

安縣西北靈臺鄉豐水上 左傳康有豐宮之朝 名誥
王朝

步自周 鎬京 則至于豐告文王廟 畢命
王朝步自宗周 鎬京 至于豐 文王所都

豐水

鄭氏曰豐水禹治之使入渭東至于河豐邑在豐水之

西鎬京在豐水之東

朱氏曰豐水東北流徑豐邑之東入渭而注于河豐水有芭鎬京在

豐水下流故以起興

郡縣志豐水出京兆府鄠縣東南終南山

自發源北流經縣東二十八里北流入渭 禹貢澧水

攸同

地理志鄠水出扶風鄠縣東南北過上林苑入渭

黃圖出鄠南山豐谷

北入渭 黃氏曰北至咸陽縣入渭

鎬京

見前

坊記引詩度是鎬京 郡國志注豐鎬相去二十五里

鎬在京兆上林苑中黃圖鎬池在昆明池之北即周之故都通典云鎬陂

夾漈鄭氏曰周

地西迫戎狄自岐之豐自豐之鎬是西遠戎而東即華

也 朱氏曰鎬京武王所營也在豐水東去豐邑二十

五里 周書文傳曰文王受命九年在郃召太子發

戴氏曰武王都鎬京為四方來朝者豐不足以容之作

辟雍以養人才

郃

毛氏曰姜嫄之國

郡縣志故獫狁城一名武功城在京

兆府武功縣西南二十二里古郃

白虎通作台

國也

后稷姜嫄祠在

縣后稷母家也

鄭氏曰后稷成功堯改封於郃就其成國之

家室

左傳作駘

魏駘芮岐畢吾西土也杜氏注后稷受此五國駘在武功縣所治獫狁城

釋文當作郃

郡國志右扶風郃縣有郃亭

郡縣志秦孝

公作四十一縣獫武功各其一獫與郃音同武功蓋在

渭水南今郃縣地是也

樊噲攻雍獫城注云即后稷

所封今武功故城是獫縣

漢屬右扶風後周置武功於故獫城

孔氏曰

邵國自有君此或滅或遷故以其地封后稷

闕宮奄有下國朱氏

曰封於邵也

百泉 溥原 流泉

曹氏曰漢朝那縣屬安定郡隋改為百泉縣屬平涼郡

魏於其地置原州唐因之百泉溥原即其處

郡縣志邠州三水縣

以縣界有羅川谷三泉並流故以為號幽城在縣西高泉山亦曰甘泉在永壽縣北二十五里五龍原在新平

縣南三里原側有五泉水因名

隰原

鄭氏譜曰豳在雍州原隰之野 孔氏曰禹貢雍州原

隰底績是原隰屬雍州也公劉居豳度其隰原以治田

是豳居原隰之野 蔡氏曰廣平曰原下溼曰隰度其

隰原即指此其地在豳今邠州

史記正義原隰豳州地也 邠縣志邠州新平

縣有五龍原永壽縣有永壽原宜祿縣有淺水原 白虎通引詩于邠斯觀

涉渭

史記周紀公劉自漆沮渡渭取材用

郡縣志邠州公劉所居之地州治新

平縣即漢漆縣漆水在縣西九里西北流注于涇 史記正義公劉從漆縣漆水南渡渭水至南山取材木為

月漆水
東入渭

皇澗 過澗

傅氏曰二澗當在邠州界

釋名山夾水曰澗 孔氏謂皇澗縱在兩旁而夾之過澗

橫故在北而嚮之亦可想見其形勢矣
芮鞠之即則又在過澗之南鞠者外也

芮鞠

周禮注作汭坭

地理志注韓詩作芮阮

與鞠同

職方

雍州其川涇汭

地理志芮水出右扶風汧縣吳山西

北東入涇詩芮阮雍州川也

今隴州汧原縣

蘇氏曰芮鞠芮

水之外也

郡縣志涇州良原縣有汧水一名宜祿川西白隴州華亭縣流入

傳氏曰康成以為蒟

是水內與注禮自相反當以職方為信

凡伯

孔氏曰畿內國

左傳凡周公之後

春秋凡伯杜氏注汲郡共

縣東南有凡城

郡縣志故凡城在衛州共城縣西二

十里古凡伯國

通典凡伯國在衛州黎陽縣

名見前

周語蜚之亂宣王在召公之宮

注避難奔召公召公周之支族食邑於召康公

之後穆
公虎

夏后

帝王世紀禹受封爲夏伯在豫州外方之南今河南陽
翟是也周書度邑篇武王問太公吾將因有夏之居即

河南是也

孟子注禹號夏后氏后君也禹受禪於居故夏稱后

鬼方

易高宗伐鬼方

毛氏曰遠方也

漢匡衡傳成湯化異俗懷鬼

方

後西羌傳武丁征西戎鬼方竹書紀年周王季伐西落鬼戎大戴禮帝繫曰陸終氏娶于鬼方氏漢

五行志注鬼方絕遠之地一曰國名文選注世本注曰鬼方於漢則先零戎是也

蠻方

鄭氏曰九州之外不服者

曹氏曰職方氏衛服之外即蠻服禹貢荒服三百里蠻

周語蠻夷要服戎翟荒服

芮伯

鄭氏曰畿內諸侯字良夫書序注芮伯周同姓國在

畿內左傳注芮國在馮翊臨晉縣通典同州馮翊

縣古芮國

地理志臨晉縣芮鄉故芮國夾漆鄭氏曰其地即陝芮城為晉所滅

崧高

毛氏曰山大而高曰崧嶽山之尊者東岱南衡西華北恒堯時姜氏為四伯掌四嶽之祀 郭璞注爾雅曰今

中嶽崧高山蓋依此名 李氏曰申甫四岳之後安得

專指為中嶽凡大而高者皆可名之曰崧 孔子間居

嵩高惟嶽

云

此文武之德也

魏氏曰人之此心與

天地山川相為流通固也而人物之生又係乎時數清

明之感山川英靈之會祖宗德澤之積

孔氏曰鄭語伯夷能禮於神以

佐堯是掌禮之官故掌四獄之祀外傳史記特稱伯夷為四獄由主獄祀故也齊世家四獄佐禹有功虞夏之際封於呂或封於申是
歷虞夏商而世有國土

甫申

見前

申伯

李氏曰崧高之山在穆王時則生甫侯

詩禮記作甫書與外傳作呂

在宣王時則生申伯 朱氏曰甫是宣王時人作呂刑

者之子孫

呂氏曰鄭氏遠取訓夏贖刑之甫侯非也

曹氏曰封於申而職

為侯伯猶召伯也 禮記注周道將興五獄為之生賢

佐仲山甫及申伯孔氏曰按鄭志注禮在先未得毛詩傳

外傳稱樊仲山甫則是樊國之君
必不得與申伯同為荻神所生

謝見前南國

南國是式鄭氏曰改大其邑使為侯伯南方之國皆統
理陳氏曰命為州牧也毛氏曰謝周之南國林氏
曰宣王之世申伯以王舅大臣為南國屏翰蓋前此申
在王畿之內而宣王始分封之以扞衛王室楚經營北
方大抵用申息之師其君多居于申合諸侯亦在焉秦
漢之際南陽為要地高祖踰宛攻武關張子房曰強秦

在前強宛在後此危道也漢與楚相持常出武關收兵宛葉間光武起南陽以宛首事申即宛也孔氏曰申

伯先受封於申國本近謝今命為州牧故邑於謝

嚴氏曰申

國在宛謝城在棘陽申謝其地相近孔氏曰申國在南陽宛縣是在洛邑之南申伯舊是伯爵

今改封之後或進爵為侯周本紀云申侯是申伯子與孫

郢

孔氏曰郢於漢屬右扶風在鎬京之西岐周之東申在

鎬京之東南自鎬京適申塗不經郿時宣王蓋省視岐

周故餞之於郿 朱氏曰郿在今鳳翔府郿縣

郡縣志本秦縣

今縣東二十五里有故城今縣周天和元年築縣在渭水南一里縣治城南當斜谷

曹氏曰郿

近岐周先王之廟在岐申伯受封則冊命於先王之廟
故王在岐而飲餞於郿江漢言召虎之封亦曰于周受
命

仲山甫

毛氏曰樊侯也

孔氏曰周語樊仲山父諫宣王是為

樊國之君也韋昭云食采於樊左傳王賜晉文公樊邑

則樊在東都畿內

周語樊穆仲

左傳注樊一名陽樊野王

縣西南有陽城

懷州河內縣本野王

晉語王賜公南陽陽樊之

田陽人不服倉葛曰陽有夏商之嗣典有周室之師旅

樊仲之官守

懷州修武縣有南陽城晉語南陽即此

城東方

朱氏曰仲山甫奉使築城于齊

孔氏曰不言徂齊東方齊也

毛氏

曰古者諸侯之居逼隘則王者遷其邑而定其居蓋去

薄姑而遷於臨菑也

地理志瑯琊姑幕縣或曰薄姑後漢注姑幕故城在今密州莒縣東

北古薄姑氏之國括地志薄姑故城在青州博昌縣東北六十里今博興縣左傳注博昌縣北有蒲姑城孔氏

曰齊於成王之世乃得薄姑之地

孔氏曰史記齊世

興地記青州千乘縣有薄姑城

家獻公元年徙薄姑治臨菑當夷王之時與此傳不合

毛氏在馬遷之前其言當有據朱氏曰豈徙於夷王

之時至是始備城郭之守歟臨菑今青州臨菑縣

林氏曰宣王時北有獫狁南有荆楚東有徐夷故武是

南邦以申伯城彼東方以仲山甫奄受北國以韓侯其

為謀甚悉而犬戎自西作焉夫四隅而防其三有變出

於不備之方漢杜欽曰仲山父異姓之臣就封於齊

鄧展注韓詩以為

封於齊此誤耳

韓侯 韓城

左傳韓武之穆也

鄭氏曰姬姓國後為晉所滅史伯曰武王之子應韓不在

通典

同州韓城縣古韓國

有韓原

水經注王肅曰涿郡方城

縣有韓侯城

後魏志范陽郡方城縣有韓侯城李氏曰溥彼韓城燕師所完涿郡乃燕地也又

有奄受北國之言水經注聖水逕方城縣故城北又東南逕韓城東引韓奕之言為證梁山恐是方城縣相近梁門界上之山此亦一說存之以備參考括地志方城故城在幽州固安縣南十里

梁山

地理志左馮翊夏陽縣故少梁梁山在西北 括地志

在同州韓城縣東南一十九里

爾雅梁晉望注在夏陽西北臨河上蘇氏曰

梁山韓之鎮也

公羊傳河上之山也

禹貢冀州治

梁山岐

曹氏曰禹治水自壺口循梁山而西

水經

河水南逕梁山原東注原自山東南至河

九域志山在龍門之南

屠

出宿于屠潯水李氏曰同州鄜谷

今曰茶

說文鄜左馮

翊鄒陽亭

今同州

汾王

鄭氏曰厲王也流于玁玁在汾水之上

時人因以號之猶言莒郊公黎

北公孔氏曰珣於漢河東永安縣也西臨汾水蘇氏

曰晉州霍邑是也在汾之上郡縣志汾水經霍邑縣西二里周厲王陵在縣東北

二十五里解頤新語曰晉故皆救其汾王之類乎

燕

王肅曰燕北燕國

董氏曰召公之國

曹氏曰武王子初封於

韓其時召康公封於北燕實為司空王命以燕衆城之

朱氏曰如召伯營謝山甫城齊春秋諸侯城邢城楚

丘之類地理志薊縣故燕國召公所封今燕山府括地志燕山

在幽州漁陽縣東南六十里 國都城記云地在燕山之野故國取名焉北燕伯欽始見春秋

百蠻 追貊

補傳曰蠻夷可以通稱北可稱蠻猶西可稱夷也貊為北方之國先聖有蠻貊之說追為北方之國始見於此

毛氏曰因時百蠻長是蠻服之百國也追貊戎狄國

蘇氏曰錫之以追人貊人

鄭氏曰韓侯先祖居韓城為侯伯其州界外接蠻服

孔氏曰北狄亦謂蠻

史記匈奴傳居于北蠻鄭

志答趙商云九貊即九夷也又秋官貊注征北夷而獲是貊者東夷之種而分居于北故為韓侯所統至漢初其種皆在東北于并州之北無復貊種

漢高祖四年

北貉燕人來致梟騎助漢顏氏注貉在東北方三韓之屬皆貉也職方氏九貉注北方說文貉北方豸種

也孔疏曰貉之為言惡也爾雅疏狄類曰穢貉

鄭氏曰其後追也貉也為

獬狁所逼稍稍東遷

北國

鄭氏曰北面之國孔氏曰職方氏正北曰并州言受

王畿北面之國當是并州牧也

曹氏曰奄受北國蠻夷而為之侯伯黃氏曰

即封唐戎索也今洛州曲梁赤狄也中山安喜鮮虞國真定鼓國臺城西壘肥國皆白狄也

淮夷

書成王東伐淮夷滅淮夷

孔氏曰周公歸政之明年淮夷奄又叛魯征淮夷作費誓

滅淮夷在成王即政後

陳氏曰淮夷之地不一徐州在淮北徐

州有夷則淮夷之在北者也揚州在淮南揚州有夷則

淮夷之在南者也江漢常武二篇同為宣王之詩而同

言淮夷召虎既平淮夷而告成于王矣常武又曰鋪敦

淮潰仍執醜虜故知淮夷之地不一以地理考之曰江

漢之許王命召虎者是淮南之夷也若在淮北則江漢

非所由入之路矣曰率彼淮浦省此徐土者是淮北之

夷也若在淮南則徐土非聯接之地矣孔氏曰召公伐淮夷當在淮水之南魯僖所伐淮夷應在淮水之北當淮之南北皆有夷也 後漢東夷傳殷武乙衰敝東夷

浸盛遂分遷淮岱漸居中土周公征之遂定東夷厲王無道淮夷入寇王命虢仲征之不克宣王復命召公伐而平之 嚴氏曰周興西北岐豐去江漢最遠故淮夷最難服從化則後孚倡亂則先動周人經理淮夷用力最多成王初年淮夷同三監以叛其後又同奄國以叛

伯禽就封又同徐戎以叛至厲王之時四夷交侵宣王
一命吉甫北方旋定繼命方叔伐蠻荆其後又命召公
平淮南之夷又命皇甫平淮北之夷蓋南方之役至再
至三淮夷未平則一方倡亂天下皆危故至淮夷平然
後四方平此江漢常武所以為宣王之終事而繫之宣
王大雅之末也

朱氏曰淮夷夷之在淮上者 孔氏曰
淮水之上東方之夷 費誓注淮浦之

夷 姓纂
有淮夷氏

江漢

鄭氏曰江漢之水合而東流 孔氏曰大別之南漢與
江合而東流漢志大別在廬江安豐縣界則江漢合處
在揚州之境命將在江漢之上蓋今廬江左右江自廬
江亦東北流故順之而行將至淮夷乃北行嚮之也

胡氏曰杜預云禹貢漢水至大別南入江夏界按漢水
入江乃今漢陽軍之大別山山之北漢口是也漢口亦
云沔口亦曰夏口江東即鄂州江夏郡也至安豐一千
五百里豈江漢相合古今不同哉 呂氏曰胡氏辨江

漢合流既得之矣但去淮夷絕遠於經文頗不合或者
會江漢諸侯之師以伐之歟 嚴氏曰江漢之許指江
北接淮南之地 林氏曰古者畿兵不出所以重內調
兵諸侯各從其方之便高宗伐楚蓋裒荆旅武王伐商
實用西土至於征徐以魯平淮夷以江漢 陳氏曰江
漢去周最遠不應親臨江漢之遠而始命名虎也謂所
伐之淮夷自江漢之許而入 嚴氏曰江漢常武之詩
皆以江漢喻王師江漢浮浮喻盛大而不可禦如江如

漢止喻盛大

南海

呂氏曰淮夷在南故極其遠而言之曰至于南海 左
傳楚子曰寡人處南海

于周受命

鄭氏曰岐周 孔氏曰以召祖之故地在岐周岐是周
之所起有別廟在焉 嚴氏曰周當指豐名誥至于豐
注云文王之廟在豐祭統云賜爵祿必於太廟

錫山土
田曹氏

曰召乃康公分陝之采地宣
王又以岐周山川益封召虎

程

毛氏曰程伯休父始命為大司馬

郡國志雒陽

今河南府

洛陽縣

有上程聚古程國伯休父之國也

關中有程地帝王世紀文王居

程故此加為上程

楚語重黎氏世叙天地其在周程伯休父

其後也當宣王時失其官守而為司馬氏

氏族略重為火正裔孫封

於程

淮浦 淮漬

說文浦水濱也 毛氏曰潰厓也

嚴氏曰先征淮夷而後及徐方此兵行猶

未及淮夷而

徐方已震驚

徐土 徐方

孔氏曰徐土當謂徐州之地

朱氏曰徐州之土淮北之夷也徐方徐國亦即此

曹氏曰禹貢徐州東至海北至岱南及淮其地廣人

衆矣若淮夷則東夷之種散處淮浦者爾此先伐淮夷

次征徐國蓋先其小而易者後其大而難者 陳氏曰

徐大而淮夷小淮夷即徐州之夷而服屬於徐曰徐方

者兼徐淮而言之曰徐國者特言於徐戎也

徐國

地理志臨淮徐縣故徐國

羸姓伯益佐禹有功封其子若木於徐

郿縣

志大徐城在泗州徐城縣北三十里徐子國

淮水西南自虹縣界

流入今徐城省為鎮入臨淮縣

檀弓徐容居曰昔我

先君駒王西討濟於河

後漢東夷傳徐夷僭號率九

夷以伐宗周西至河上穆王畏其方熾乃分東方諸侯

命徐偃王主之偃王處潢池東地方五百里行仁義陸

地而朝者三十有六國穆王使造父御以告楚令伐徐

楚大舉兵而滅之費誓徐戎孔氏注徐州之戎此戎

夷帝王所羈縻統馭故錯居九州之內秦始皇逐出之


左傳周有徐奄徐戎淮夷二國春秋昭四年會于申

有徐子又有淮夷 曹氏曰宣王北伐玁狁西征羌戎南威蠻荆獨徐方未服今徐方來朝於王庭則四方既平矣 傳氏曰在淮之北者徐戎也在淮之南者淮夷也

曰辟國百里

蘇氏曰文王之世周公治內召公治外故周人之詩謂之周南諸侯之詩謂之召南所謂曰辟國百里云者言文王之化自北而南至於江漢之間服從之國日以益衆及虞芮質成而其旁諸侯聞之相率歸周者四十餘國焉 陳氏曰風之終繫之以豳雅之終繼之以召旻

豈非化之衰者必思聖人而正之歟



詩地理攷卷四